



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CVIII. De transitu Capuccinorum ad aliam Religionem.

[urn:nbn:de:hbz:466:1-74715](#)

ANNO
1698.

INNOCENTIUS DUODECIMUS.

307 ANNO
1698:

jorem sub Annulo Piscatoris die VII. Octobris
MDCXCVIII. Pontifici nostri Anno Octavo.

CVIII.

Prohibetur, ne FF. Capuccini transeat ad aliam
Religionem contra formam in Constitutione
Urb. VIII. præscriptam.

Hæc Constitution edita fuit 1628. Aug. 9. Similis
Constitution edita fuit a Clem. X. & Inn. XI.
que postea confirmata fuit ab hoc Pontifice pro
Benedictinis Congreg. S. Mauri in Gallia. Et hu-
jus Pontificis Conf. ed. 1697. Jun. 12. P. 6.
agit de religiosis transiuntibus.

Dat. 10. Oct.
1698. An. 8.

INNOCENTIUS PAPA XII.

Ad futuram rei memoriam.

Exordium.

S Olicitudo pastoralis officii, quo Ecclesiæ Ca-
tholicæ regimini per ineffabilem Divina bo-
nitatis abundantiam, nullo licet meritorum no-
strorum suffragio, præsidemus, Nos urget, aque
impellit, ut paternam Christifideli Altissimi
obsequiis sub arctioris vita instituto laudabiliter
incumbentium curam gerentes, religiosæ eorum
stabilitati, ut in ea vocatione, in qua vocati sunt
perseverent usque in finem, quantum Nobis ex
alio conceditur, propicere satagamus.

Ab Urb.
VIII. sub
certis poenit
interdictis
fuit quicun
que transitus
sine licentia
S. Sedis, vel
Generalis.

§. 1. Dudum siquidem fel. rec. Urbano Pa-
pa VIII prædecessori nostro pro parte tunc exi-
tentis Procuratoris Generalis Ordinis Fratrum
Minorum Sancti Francisci Capuccinorum nuncu-
patorum expoſito, quod nonnulli dicti Ordinis
Religiosi nulla desuper ab Apostolica Sede, vel
Superioribus suis obtenta licentia, ad alios Or-
dines, seu Congregationes se transferre posse præ-
tenderant, & prætendebant, non sine gravi re-
gularis disciplina detrimenio, ipsiusque Ordinis
inquietudine, idem Urbanus prædecessor, ut in-
commodis, damnis, & perturbationibus, que
ex ejusmodi translationibus oriebantur, occur-
reret, supplicationibus dicti Procuratoris Gene-
ralis nomine sibi super hoc humiliter porrectis
inclinatus, ne de cetero perpetuis futuri tem-
poribus ulla declaratione incurrendis transire
quoquo modo auderet, seu præsumeret Apostolica
auctoritate interdixit, & prohibuit, & alias
prout in ipsius Urbani prædecessoris literis de-
super in simili forma Brevis die 9. Augusti 1628.
expeditis, quarum tenorem præsentibus pro ple-
ne, & sufficienter expresso, & inserto haberem
lumen, uberioris continetur.

Causa Con-
stitutionis, &
Preces Pro-
curatoris
Gen. pro
prohibitione
transitus ad
Monasterium
de la Trappe.

§. 2. Cum autem sicut dilectus filius Franci-
cus Maria ab Aretio modernus Procurator Ge-
neralis dicti Ordinis Nobis nuper exponi fecit,
non minora incomoda, damna, & perturba-
tiones memorato Ordini imminant, quinimo
Provincia Galliarum ipsius Ordinis ea jam expe-
riri coepерint, ex transitu Fratrum Ordinis hu-
jusmodi ad Monasterium Beatae Mariae de la Trap-
pe nuncupat. Ordinis Cisterciens. Sagien. Dice-
cens, ad quod quidam ex illis, quo spiritu
duci nescitur, prætextu tamen arctioris vita du-
cenda se transferre fatagunt. Nobis propterea
dictus Franciscus Maria Procurator Generalis hu-
miliiter supplicari fecit, ut in præmissis de op-
portuno remedio provide, nempe quod Fra-
tres dicti Ordinis Capuccinorum, expresse pro-

fessi ad memoratum Monasterium Beatae Mariae
de la Trappe Ordinis Cisterciens. animo se se ibi-
dem associandi, seu incorporandi sine expressa
solitis Ministri Generalis ejusdem Ordinis Capuc-
cinorum licentia in scriptis obtainenda, nullo
modo transire possint, etiam si alia servanda ser-
varentur, sub pena excommunicationis late
sententia Sedi Apostolica refervata tam pro re-
ceptis, quam pro recipientibus prohibere quém-
admodum ob easdem ferme rationes rec. mem.
Clemens X., & Innocentius XI. Romani Pontifi-
ces prædecessores nostri id ipsum Monachis Con-
gregationis Sancti Mauri Ordinis Sancti Beneti-
ci prohibuerunt, de benignitate Apostolica di-
gnaremur.

§. 3. Nos igitur ipsum Franciscum Mariam
Procuratorem Generalem specialibus favoribus,
& gratiis prosequi volentes, & a quibusvis ex-
communicationis, suspensionis, & interdicti,
aliisque Ecclesiasticis sententiis, censuris, & po-
enis a jure, vel ab homine quavis occasione, vel
causa latet, si quibus quonodilibet innodatus
existit ad effectum præsentium dumtaxat conse-
quendum harum serie absolventes, & absolutum
fore censentes, hujusmodi supplicationibus in-
clinati de Venerabilium Fratrum nostrorum S.
R. E. Cardinalium negotiis, & consultationibus
Episcoporum, & Regularium præpositorum con-
silio, ne Fratres expesse professi dicti Ordinis
Capuccinorum ad quemcumque alium Ordinem,
& Monasterium, seu alium Regularem locum
cujuis alterius Ordinis, seu Congregationis
etiam Carthusianorum, & præsertim ad Mono-
sterium Beatae Mariae de la Trappe hujusmodi ni-
fi servata prædictarum Urbani prædecessoris li-
terarum forma, transire ullo modo audeant, seu
præsumant, auctoritate Apostolica tenore præsen-
tium prohibemus.

§. 4. Decernentes easdem præsentes literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis ad quos spectat, & pro
tempore spectabit, in omnibus, & per omnia
plenissime suffragari, & ab eis respective invio-
labiliter observare: Sicque in præmissis per quos-
cumque Judices Ordinarios, & Delegatos, etiam
Causarum Palatii Apostolici Auditores judicari,
& definiri debere; ac irritum, & inane, si fecus
super his a quoquam quavis auctoritate scienter,
vel ignoranter, contigerit attentari.

§. 5. Non obstantibus præmissis, ac Con-
stitutionibus, & Ordinationibus Apostolicis, nec
non quatenus opus sit, quorūcumque Ordini-
num, & Congregationum, aliisque quibusvis,
etiam juramento, confirmatione Apostolica, vel
quavis firmitate alia roboratis, statutis, & con-
suetudinibus; privilegiis quoque, Indultis, &
literis Apostolicis in contrarium præmissorum quo-
modolibet concessis, confirmatis, & innovatis.
Quibus omnibus, & singulis, illorum tenores
præsentibus pro plene, & sufficienter expressis,
ac ad verbum insertis habentes, illis alias in suo
robore permanfuris, ad præmissorum effectum
hac vice dumtaxat specialiter, & expresse deroga-
gamus, ceterisque contrariis quibuscumque.

§. 6. Volumus autem, ut earumdem præsen-
ti literarum transumptis, seu exemplis, etiam
impressis manu alicuius Notarii publici, & si-
gillo personæ in Ecclesiastica dignitate constitu-
tae munitis, eadem prorsus fides ubique loco-
rum tam in Judicio, quam extra illud habeatur,
qua haberetur ipsis præsentibus, si forent exhibi-
ta, vel ostendit.

Datum Roma apud S. Mariam Majorem sub
Annulo Pisc. die X. Octobris MDCXCVIII. Pon-
tifici nostri Anno Octavo:

Prohibitio
generalis, &
specialis pro
transitu.

Clauſule.